


BEGZAT RRAHMANI

# VALET E GURRËS



BEGZAT RRAHMANI

## VALËT E GURRËS

1997

Bibliotheca:  
XIXËLLONJA

Redactor: Kanosh Celica

Recusant: Ferity Ramadan

Lektor: Dr. Emal Mukati

Ilustrimet: Enver Selami

Shtypi: Fokus-Shkup

Vepra botohet me financimin e poetit Numën S Limani

## SHËNIM PËR AUTORIN

Begzat Brahmani u lind më 1949 në fshatin Zhurinë të Kërçovës. Shkollën fillore e kreu në vendlindje, gjimnazin në Gostivar, ndërsa SH.L.P. në Universitetin e Prishtinës grupin e Politeknikës.

Bashkëpunon me shumë gazeta dhe revista letrare që botohen në Maqedoni, Kosovë dhe Shqipëri. Jeton dhe vepron në Kërçovë.

Vepra:

1. “Dje dhe sot” poezi satirike 1995
2. “Valët e gurrës” poezi për fëmijë 1997

Kujt t'ia shkruaj poezinë?!

Dallëndyshet shkojnë në jug  
Rinia ik në perëndim,  
**KUJT T' IA SHKRUAJ POEZINË**  
Botës apo vendit tim?

Dallëndyshet kanë një cicërimë  
Si në jug ashtu tek unë,  
Rinia atje cicëron ndryshe  
Me dëshirë apo me dhunë!

Kujt t'ia recitoj poezinë  
Në këtë shtëpi-pallat  
Plakut e plakës të kërrusur  
Pa buzëqeshje pa fat!...

## I. UDHEMBARË SHKOLLARË

Bukuritë e shtatorit

I bukur është shtatori  
Me rrush, arra e mollë  
Ne jemi rrezit në det  
Të fortë kthehem në shkollë.

Në ambiente të reja  
Një klasë më lart,  
Edhe Topolaku i lagjes  
Çantën në krahë bart.

Mërziten nga pak gjyshet  
Përgjysmë u ngelën përrallat,  
Mësimet në Abetare  
S'janë si kopallat...

Udhembarë shkollarë

Pse qan djalë i mirë  
Babën e ke larg/  
Në kurbet-  
Apo nëna të ka tret?!

Sot kam ditëlindjen  
I mbush shtatë vjet,  
Aq kohë ka-  
Që nëna më ka vdes.

Ajo s'ka dëgjuar  
Vajin t' im të parë,  
Unë fjalën e nënës  
UDHEMBARË SHKOLLARË!...



Dorë për dore

Plot nxënës-  
Oborri i shkollës,  
Me bukuri e gjallëri  
Si kokrrat e mollës.

Ca në klasë të parë  
Ca në klasë të tetë,  
Peshën e librit  
Ata e dinë vetë.

Katër shkallë  
Pastaj pushimore,  
Fitohet dituria  
Shoqe dorë për dore.

Pastaj në të mesme  
Afrohet pjekuria,  
Kënaqësi prindërore  
Forcohet ushtria...

Pjesa e çatisë

Mami e di germën -A-  
Është si pjesa e çatisë,  
Ja shiko atje mami  
Por te oxhaku ka një vizë.

Mësuesja me shkumës  
E shkroi në dërrasë,  
Sa të lumtur mami  
Ishim sot në klasë.

Do të mësojmë edhe të tjera  
Janë tridhjetë e gjashtë plot,  
Por mësuesja na tha-  
Vetëm germën -A- sot...

Dhurata më e shtrenjtë

Shkova në librari  
Me babin për dore,  
Bleva ABETARE  
Çantë e fletore.

Për ditëlindjen time  
Më e shtrenjta dhuratë,  
Pastaj akullore  
Dhe një çokolatë.

Do t'i mësoj shkronjat  
Prej në shtator,  
Do t'i shkruaj edhe numrat  
Unë me këtë dore...

Një shkronjë

Një ditë-  
Kur të vura mbi krahë,  
Një shkronjë-  
Do të kërrus tha.

Tjerat të qortuan  
Duke thënë-jo,  
Hyjnesha e Diturisë  
Kësi fjalësh s'do.

Tash u rrita  
E u bëra burrë,  
Por me shkronjat  
S'u hidhërova kurrë...

O-ja e bukur

Brushat e molisura  
Ngjyrat helm plot,  
Pas një shekulli thanë:  
-Fjalë shqip dëgjuam sot!

E ngulitur mbi derë Shkaba  
Bën roje pa ndërrim,  
Kurrë s'lodhem thotë:  
-Ky është vendi im.

Për mjeshttrin e madh  
Ikonat i luten Perëndisë,  
Nën qielli i robëruar  
T'i kthehet Arbërisë.

O-ja e shkruar bukur  
Ja aty nën Shkabë,  
Lutet e u nënë be  
Në shpirt, nënë e babë...

Tridhjetë e gjashtë çelësa

I uroj Yllëzës  
Fillim të mbarë,  
Këtë shtator  
Në klasë të parë.

Me shoqet bishtaleca  
Të kapet dorë për dore,  
Me çantën në krahë  
Të shkojnë në shkollë prore.

Tridhjetë e gjashtë çelësa  
I kanë në ABETARE,  
Do ti zgjidhnin detyrat  
Do të hapin dritare...

Do të pajisen me dijeni  
Plotë tetë vjet,  
Pastaj në të mesme  
Por dhe në fakultet.

Nxënësja me biberon

Shfletoj ditarin  
Kur isha arsimtar dikur,  
Më shfaqej e kaluara  
si shkëndija me nur.

Isha kujdestar  
Në katin e dytë,  
Për të mbajtur qetësi  
Mirë duhej hapur sytë.

E hapa një derë  
Thash të kontrolloj,  
Një nxënëse bukuroshe  
Me biberon në gojë.

Që nga ajo ditë  
Me Yllëzën kemi miqësi,  
Tash unë jam në pension  
Ajo studente në ekonomi...

Rriten si fruta

Të lumtur janë nxënësit  
Në oborr të shkollës,  
Rriten si fruta  
Në degë të mollës.

Luajnë e kërcëjnë  
Si shqerrat në livadhe,  
E marrin ngjyrën  
Si mollë e madhe.

Mbushen rrugët  
Kur kthehen nëpër shtëpia,  
Si lule pranvere  
Kundërmon dituria.



Kalaja e Kërçovës  
-U . Z -

Sa lumtur do të isha  
Në mes nxënësve kërçovarë,  
Të mbaj një orë mësimi  
Si shumë vjet më parë.

Tha mësuesja e moshuar  
-URANIJA ZAHARIJA-  
Në Durrësin piktoresk  
I shndriste shtëpia.

E kam ruajtur në zemër  
Sekretin pesëdhjetë vjet,  
Në – KALANË E KËRÇOVËS-  
BUSTI I HEROIT MË FLET...

Të fala KALASË  
DHE – UJËMIRIT PLALK  
Barra më e lehtë  
Pasi perdja u hap.

Sikur të kisha krahë

Sikur të kisha krahë  
Do të fluturoja si zog,  
Nëpër male e fusha  
Do të ndalesha në log.

Do të thithsha etër  
Do të dëgjoja cicërimë,  
Që këndohej në liri  
Me iso e rimë...

Në oborrin tim

Në oborrin tim

Luajnë ca çupa të vogla,

Herë me gurrëz

Herë me gogla.

Dikur Gëzimja

Shoqeve u flet:

-kështu luan me fjalë

Edhe xhaxhi poet...

## II. MALLI PËR FSHATIN

Sa ngjyra ka natyra

Kush është kjo zonjë  
Që pikturon natyrën?  
-Zonja e Madhe – Vjeshtë  
Gjithkund hedhë ngjyrën!

ASKUSH S' MUND T' I NUMROJË  
NGJYRAT E NATYRËS.

Këtë enigmë  
E ka zgjidhur Vjosa,  
-ajo thotë: "ka aq ngjyra  
Sa ka në botë FATOSA".

Çdo fatos-  
Është edhe shkollar,  
Mbjellë në vjeshtë  
Në verë mbush hambarë.

Ylberi

Brez i bukur  
Plot stoli,  
Ngjyra-ngjyra  
Mrekulli.

Afrohet Ylli  
Të të kap,  
Ti largohesh  
Ik me vrap.

Mbulon ara  
Lumin mbështjell,  
Pastaj dielli  
Përpara të del.

Lagështia  
Në tokë mbeti,  
-YLBერი-  
S,dimë ku treti...

Hëna bisedon me nuse

Dielli ju ngroh  
Unë natën ua bëj ditë,  
Nën kujdesin tonë  
U lindin fëmijët.

Ndodhem në qiell  
Por edhe nëpër puse,  
Me ujin e pastër  
Bisedoj me nuse.

Shtambat plot këshilla  
Në djep i pret fëmija,  
Me punët e mëngjesit  
Kundërmon shtëpia...

Të kam çupë, të kam djalë

Erdhi sonte mami  
Më kapi për dore,  
Më solli sheqerka  
Dhe plot lulebore.

Më puthi në faqe  
Më puthi në ballë,  
Si dikur më thonjte:  
-të kam çupë, të kam djalë.

Sa e bukur ishte  
Si nuset në valle,  
Ecte nëpër dhomë  
Sikur një sorkadhe...

## Përmallimi

Pas shumë motesh  
Kthehem nga Amerika,  
E lash të pa lindur çupën,  
Tash në shkollë shkon Rika.

E bukur she e shëndetshme  
Nga të gjithë lëvdata,  
Sa hije i paskan-  
Çupës sime flokët e gjata.

Është shumë e sjellshme  
Aspak s'ka përtesë,  
Përveç pesave  
Notë tjetër s'ka në dëftesë...



Qenin t' im e kujtoj me mall

Nënë. Kujdesuni për qenin  
E kam bukurosh,  
Më shikonte dhembshëm  
Më përcillte-poshtë.

Prisnim autobusin aty  
Të dy bashkë në lëndinë,  
Unë udhëtoja për në shkollë  
Ai rrinte gjatë në lëndinë!

I plakur sot në mërgim  
Kujtoj qenin t' im me mall,  
Përpara kam punëtorët e mjerë  
N' perëndim punojnë hamall...

Mos harroni Zhubrinën

Vajta në Zhubrinë  
Në t'imin fshat,  
Takova xha Rushitin  
Pushonte nën Rrap.

U gëzova si fëmijë  
Sepse ishim për mall,  
Tha:-jam drobitur  
Por ende jam gjallë.

Kam përjetuar tragjedi  
Por nga njëherë këndoj,  
Për t'i zbutur dhimbjet  
Edhe mesele krijoj.

Pas pak kohe nipi  
Na solli një pitë,  
Sa shije kishte mikpritja  
Ç'gëzim në atë vizitë.  
Mos harroni Zhubrinin  
Ku dolët në agime,  
Tha xha Rushiti i urtë  
Për vendlindjen t'ime.

Kaptelli i bukur

Mami, sot s'dua fustan  
Pantallona e as fund,  
Dua të shkoj-  
Te gjyshja në katund.

Dua të vesh këmishën  
Të vejtur në tullar,  
Çorapet e qëndisura  
Mjaft ndejën var.

Të gëzohet gjyshja  
Hijeshohet oda,  
Më ka mërzhitur shumë  
Në qytet moda.

Më ka marrë malli  
Për djepin shekullor,  
**KAPTELLIN E BUKUR**  
Të punuar me dorë...

Përrallat e gjyshes

I dua përrallat  
Si lulet e bukura,  
Kur m' i tregon gjyshja  
I stolis si flutura.

Si për KËSULËKUQEN  
Dhe GJERGJ ELEZ ALINË,  
Me shoqet e mija  
Rreth gjyshes rrimë.

Tamam si artiste  
Gjyshja fol ngadalë,  
I radhitë fjalët  
Si në arkë palë-palë...

Do ta lus tezen mami

Mami pse kukulla ime  
Hiç s' është rrit?  
-më e madhe se beja e nuses  
Ishte pa bërë një vit!

Njomëza e vogël  
Qesh, ha dhe fle,  
E kukulla ime,hiç  
Prej kur është ble!

Mami, të blejmë një tjetër  
Nesër në qytet do të dal,  
Ose është më mirë  
Ta marrim një tjetër në spital...!

Do ta thërrasim GONXHE  
Emrin e NËNËS TEREZE  
Në katër anët e botës  
Të rrezatojë rreze.

Yllëza në fshat

Shkuam në fushë  
Të mbledhim fiq,  
Nën një kaçubë  
Pamë një iriq.

Prej kaçubës tjetër  
Një lepur iku,  
Yllëza u tremb  
I ra nga dora fiku.

Pastaj hëngrëm  
Plotë manaferra,  
Biseduam me bareshën  
Që ruante shqerra.

Yllëza më tha:  
-në fshat qenka kënaqësi,  
Për pushimet verore  
Prapë do të vijë...

Hëna nëpër puse

Më thonë kam lindur  
Nën rrezet e Hënës,  
Dhembjet e padurueshme  
Kanë qenë gëzimet e nënës.

S' ka pasur mami  
Por një teze plakë,  
E kujdesshme si nënë  
S' ka lënë asnjë vragë.

Thonë jam e bukur  
Si Hëna kur është nuse,  
Që e shikojnë fshataret  
Në mbrëmje nëpër puse...

Luli i lagjes sime

Në degë të mollës  
Qëndronte një kumrie,  
E trembur lëviz kokën  
Bora mbi trup i bie.

Ca fëmijë afër  
Bëjnë dordolec,  
Të veshur mirë e fortë  
Për hundë i vendojnë spec.

Luli lagjes sime  
S' përzihet me shokë,  
Pantallonat e grisura  
E pa kapuç mbi kokë...



Kënaqësia

Kur shkruaj vjersha  
Ndiej kënaqësi,  
E aq më tepër  
-për fëmijë.

Lexon Gëzimja  
Dhe bën kritikë,  
Por edhe Teuta  
E lë mësimin një çikë.

Yllëza e vogël  
Me ëndje reciton,  
Pasi pak lodhet  
Çokolatën fiton.

U jep edhe motrave  
Por u thotë ca llafe,  
Për mamin e babin  
Të pjekin kafe...

### III. KUR KËPUTEN LULET

Kur këputet lulja

Me lulet në pemë  
Zbukurohet natyra,  
Vargjet e poetit  
Mbushen plot ngjyra.

Në kopshtin me lule  
Bukur këndon kumria,  
Hedhin shtat fëmijët  
Të drejtë si selvia.

Ku këputet lulja  
Ndalohet jeta,  
Shëmtohet natyra  
Nuk fluturon bleta...

Shokët e verandës

Muajve të verës  
Në verandën time,  
U rritën dallëndyshet  
Me kujdes e gëzime.

Çdo ditë në mëngjes  
Përshëndeteshim si shokë,  
I porositja edhe unë  
Që të mos bien në tokë.

Gjersa t'u rriten krahët  
Të aftësohen për fluturim,  
U dëshiroja oreks  
Dhe në fole të rrinë...

## Dallëndyshet

Na vijnë në pranverë  
Mikeshat bishtgërshtë,  
Në muret e verandës  
Foletë i kanë bërë.

Edhe në këndet e shtëpisë  
Ndërtojnë arkitekturë,  
Që dora e njeriut  
S'mundet ta bëjë kurrë.

Meritojnë lëvdata  
Për punën e mbarë,  
I ushqejnë të vegjlit  
Sqep më sqep me orar.

Të rriten të shëndosh  
Për rrugë të gjatë,  
Të aftësohen për punë  
Të përballojnë shtrëngatë...

Lajthia

Sa e mirë  
Është lajthia,  
Kur hynë në shtëpi  
Gëzohet fëmija.

Me këngë bilbili  
Rritet në mal,  
Edhe ketra bukuroshe  
E mbledh pa ndal.

Në kohën e nxehtë  
Akullorja me lajthi,  
Freskia më e mirë  
Është për fëmijë...

Degë peme

Degë në pemë  
S'ka jetime,  
Prandaj mos e pre  
Ti sëpata ime.

Do të çelin  
Lule në mot,  
Do të hamë fruta  
Siç hamë sot.

Ndonjë zog  
Këngën do të shter,  
Herë i gëzuar  
Herë me vrer...

Ketri simpatik

Në pyllin e dendur  
Me drunjtë të gjatë,  
Ketri simpatik  
Punon ditë e natë.

I ushqen të vegjlit  
Me arra e lajthia,  
U bënë ëmbëlsira  
Kundërmon shtëpia.

Sillen dhelpra  
Dhe ujku plak,  
E lëvdojnë ketrin  
Të mirin shtëpiak.

Mundohen ta bindin  
Të zbres me fëmijë,  
Ujku e dhelpra  
Të bëjnë gosti.

I di gënjeshttrat  
Ketri simpatik,  
Dhelprën e ujkun  
Kurrë si bën mik...

Laroja trim

Mrizonte nën hije  
Qengji pas dëfrimit,  
Mendonte për nënën  
Shijen e ushqimin.

Me dredhi ujku  
E thirrke në shëti,  
Si të largohet  
Të bënte gosti.

Laroja trim  
Zbuloi atë miqësi,  
Shpejt si shigjeta  
U gjend në afërsi.

Ja kërcëlloi dhëmbët  
Ujkut gjakatar,  
Iku pa gosti  
Me zemër të vrarë...



Gurra e çukës

Shpejt më merr gjumi  
Te Gurra e Çukës,  
Prej larg e ndiej  
Erën e bukës.

Si dikur lokja  
Më këndonte ninullë,  
Të rritem shpejt  
Të jetoj në kullë.

Zhytem në mendime  
Luhatem në kolovajzë,  
Nëpër VALËT E GURRËS  
Ky vend parajsë.

Atje edhe MUZA  
Më bënë shoqëri,  
Ajo gurrë e madhe  
Rrjedhë në poezi...

Gëzohu o plakush

Nuk mbaj mend  
Që në shtëpinë time,  
Dallëndyshja në çerdhe  
Të bëjë cicërimë.

Nesër vjen djali  
Një muaj të rri,  
Shtatë vjet kurbet  
Na dogji në vetmi.

Nuk kuptoj unë plaku  
Lejleku diç më thotë:  
-GËZOHU O PAKUSH-  
Më i lumturi je në botë.

Kur të vijë pranvera  
Nipçe do të kesh në dorë,  
Sa e lumtur do të jetë shtëpia  
E pasur dhe pa borë...

Yllëza noton si patë

Atje në Valtos  
Zalli shndrit si ar,  
Prej shumë vendeve të botës  
Kishin ardhur për t'u larë.

Yllëza noton si patë  
Mbi te kalon një parashutë,  
Fluturonin ca çupa  
Motrat e saja-Gëzime e Teutë.

Me litarin e gjatë  
I tërhiqte nj varkë,  
Në plazhin e bukur  
Të qytetit PARGË.

Si valë liqeni duke u rrit

Prit ca-  
I dashuri xhaxha,  
Je i mërzhitur  
Sa edhe s'qa.

Të kaloj kënde  
E kam amanet,  
I dashuri djalë  
I LAZGUSHIT-poet.

Shëtitnim dikur herët,  
Por edhe në mesditë,  
Si valë liqeni  
Duke u rrit.

Atje unë  
Gjuaja ngjalë,  
-LAZGUSHI-  
Mbillte fjalë.

Nga njëherë  
Zbraznim kupa,  
-LAZGUSHI-  
Shkruante për çupa.

Rrugë të mbarë  
E të fala atje,  
Nga Lazgushi  
Dhe të gjithë ne...

Lundro barka ime

Ngadalë valët e qeta  
Barkën lëkundin,  
Peshkatarin plak  
E përkundin.

Ëndërron bukur  
Peshqit në rrjetë,  
Kurrë më i lumtur  
Se atë ditë në jetë.

Mjellma qafë gjatë  
Klithmat i dëgjon,  
Qetë afër barkës  
Mikesha mediton.

Rrezet e diellit  
Si shtiza nguliten,  
Ah sikur të jem matanë  
Ku selvitë rriten.

Nxënësit këndojnë  
-LUNDRO BARKA JONË-  
Çaji valët e liqenit  
Se kurrë s'është vanë...

Kalaja e Kërçovës

Në plazhin e Durrësit  
Uji i pastër lot,  
Mimoza e vogël  
Si patë bënte not.

Me shokë e shoqe  
Luante me rërë,  
KALANË E KËRÇOVËS  
Aty e ka bërë.

Në afërsi aty  
Edhe një përmendore,  
SULLTANËN E QAFËS  
Trimëreshën malësore...

#### IV. ZOÇKAT RRETH SHKABËS

Guri historik

Ti pulëbardhë  
Atje mbi kala,  
Eja tregomë  
Në Ulqin ç' ka!

A lotojnë pishat  
Si nuset për fëmijë,  
Ç' thotë Valdanosi  
Ajo ditë kur do të vijë?!

A është e vërtetë  
Buna s' ka valë,  
Ka hupur rrugën  
Andej ka dalë.

Te rrapi i muzikës  
A do të valojë flamuri,  
-GURI HISTORIK-  
E ruan në mol muri?!

Eja ti pulëbardhë  
Të bëjmë dy tri fjalë,  
Astma u frikohet pishave  
Nusja na ka lindur djalë...

Ka hapur krahët

Sa i bukur nënë  
Është ky shpend,  
Në mes të shamisë  
Ka zënë vend.

Ka hapur krahët  
Si prindi për fëmijë,  
Çdo populli në botë  
I dëshiron liri.

Ka qenë në mal  
Por edhe në fushë,  
E tash në shaminë  
E mbesës Drenushë...



Uskana

Historinë tënde Uskanë  
E ruan Kalenica plakë,  
Të dy jeni të thinjur  
E trupin plot vragë.

Deshën t'u zhdukin  
Dikush shumë herë,  
Por rrënjët-tuaja  
Kurrë s' janë prerë.

S' pranuat bajlozët  
S' ju përulët stuhisë,  
As kuçedrave plot krerë  
As atyre të pa besisë...

Lisi i moçëm

Sa është i vjetër

Vëlla ky lis?

Thonë-

Sa edhe vet ky mal.

Shtrirë gjerë e gjatë

Në katër anë,

Kanë pushuar burra

Dhe amanet kanë lënë.

Ka dëgjuar cicërimë

Dhe këngë të bariut,

S'e ka trembur topi

E as acari i veriut...

Çupa me vaj të thërret  
- Mikes sime –

Kopshti plot lule  
Me ngjyra lara-lara,  
Me aromën e këndshme  
Ato bëjnë gara.

Të gjitha janë të freskëta  
Vetëm njëra e venitur,  
Për çupën e vogël-  
Që është, nënën duke pritur.

Nëna e saj, një ditë shkoi  
S' është duke u kthyer,  
Ndoshta ende ka punë  
Apo ia kanë mbyllur ato dyer...

Vrasje pas shpine  
(Nënës sime)

Ditën e kaloje  
Duke punuar në arë,  
Natën pa gjumë  
Veje në tullar.

Të plasaritura,të forta  
Duart e tua si dhe,  
Bëje punë të rënda  
Krenari për ne.

Kur mësuam emrin babë  
Ai u zhduk si era,  
Dikush ia shoi jetën  
Pas shpina te ferra...

Te varret e krushqve  
Të varrosim nënë,  
Babait gjakun ia falëm  
Populli kështu ka thënë

Shkrepe për lajmërim

Te kisha ILIRE  
Sot ushtoi mali,  
Një djalë i ri  
Zbriti nga kali.

Shkrepe tha:  
“Edhe njëherë o burrë,  
Jam i ri-  
Por s’ trembem kurrë?!”

S’ është burrëri vëlla,  
-e shkrepa për lajmërim!  
Sot ta fala gjakun  
E vëllait tim...

Zoçkat rreth Shkabës

Hënë e dashur  
Më jep pak dritë,  
Këtë terr nate  
Ta bëjë dritë.

Të lutem  
Më jep pa gëzim,  
Të kthehet babi  
T' i hidhem në përqafim.

Si yjet rreth teje  
Ne rreth babës,  
Si zoçkat-  
Rreth shkabës.

Më falë hënë  
Këtë natë pa gjumë,  
T' i shmangem territ  
Që më bën dhunë...

Zogjtë pa derë

Bën acar  
Toka ngrin,  
Zogjtë shokë  
Tash ku rrinë?

Kanë fole  
Por s' kanë derë,  
Për të mjerët  
Është bërë skëterrë!

Shokë për ne  
Nevojë kanë,  
Në pranverë do këndojnë  
Dhe krimbat do ti hanë...

Dielli mjek

Ishin gëzuar zogjtë  
S' e shkrihej bora,  
S' u mërdhinin më  
Flatrat as dora.

Janë rreshtuar  
Në degë të holla,  
I ka munduar shumë  
Këtë dimër kolla.

Dielli mjek  
Tash i viziton,  
I falënderohen një zëri  
Bilbili reciton...



Ujku zullumqar

Atje ku piqet  
Ujëmiri me qiellin,  
Bariu kullot delet  
Dhe e pret diellin.

Në shkëmbin e lartë  
Uji gurgullon,  
Me shumë shije  
Drekën-drekon.

Lisi qindvjeçar  
Plot fllad e hije,  
Pas hajes së bollshme  
Mrizon bagëtia.

Laroja e Bardhoshi  
Në roje me orar,  
Të gatshëm për luftë  
Me ujkun zullumqar...

Lëshoni rrënjët

Moti i keq  
E kapi Sharrin,  
Të djeg rininë  
Të përthajë beharin.

Nga lart shqiponja  
Kushtrim jep,  
Për male e fusha  
Dhe ty det.

Në thellësi të Sharrit  
Rrënjët i keni,  
Mos i bindeni kohës  
Drejt fitores jeni...

## V. POROSIA E PLAKUT

Kthehuni në shtëpi

Nga lartësitë e mëdha  
E shikoja tokën,  
Si natën me yje  
Poshtë e kisha botën.

Stjuardesa bukuroshe  
Na solli një kafe,  
Buzëqeshje qetësuese  
Por edhe ca llafë.

Kujtoja fjalët e plakut  
Kur na uroi rrugë të mbarë,  
Me lot na porosi  
-KTHEHUNI SA MË PARË-.

“Këtu keni folenë  
S’ jeni zogj shtegtarë,  
Vatanit i duhen burra  
I duhen shkollarë”...

## SENDËRTIMI NGA MOTIVI NË MOTIV

Përmbledhja e poezive Valët e Gurrës, të poetit Begzat Rrahmani ngërthen në brendi porosinë, meditimën, ndjenjën që vjen e ndez kërsërinë për të zbërthyer realitetin ku lexuesi ndeshet për të fituar lumturinë apo hidhërimin e nga skaji tjetër ai gjen apo humb sendërtimin! Sepse në një jetë të tillë të konflikteve poeti ndeshet dhe ngadhënjën me forcën e tij krijuese ku të shpeshtën ngrihet joracionalja dhe irealja.

Metoda e krijimtarisë së poetit është e një vazhdimësie ashtu siç bëhet jeta e coptuar. Dhe në atë copëzim ai sendërton nga motivi në motiv librin që lëshon shkëndijat e shqetësimeve, dilemave, klithjeve. Megjithatë të shpeshtën ai mbërri të ngërthejë edhe kënaqësinë eventuale që ngrihet si kujtim i artë i çasteve ku vogëlushi fiton “dhurata” për ditëlindje.

Ashtu siç bëhet hapja e librit shfaqet fenomeni i dilemës së poetit do me gjithë shpirt ti përkushtohet vargut por: “KUJT T’ UA SHKRUAJ POEZINË”? Një katrahurë e pa parë shkapërderdh nga vatani rininë e tij. E pleq e plakati të mbetur në vetmi në “shtëpitë- pallat”. Edhe pse poeti ndjen dhimbje për ata të mbetur në atë gjendje, ai nuk do atyre t’ ua recitojë vargun e tij.

Aty ku rrita, mbarësia e urtësia krijon shtigje poeti fenomenin e uratës për ta titulluar “UDHEMBARË SHKOLLARË”. Ai e nis “TOPOLAKËT E LAGJES” me trastën në krahë të marrë në shkollë “MËSIMET E ABETARES”. Atje ku “HYJNËSHA E DITURISË” për gjuhën shqipe “LUTET E BËN BE NË SHPIRT, NËNË E BABË”. Pikërisht për të e ruan sekretin dhe mësuesja e moshuar në DURRËSIN piktoresk se në KALANË E KËRÇOVËS / BUSTI I HEROIT FLET...!

Si piktorët që e portretizojnë me lot në sy, me rrudha e me hidhërim një portret të ndarë nga vendlindja, edhe poetin, “malli për fshatin” e rrëmbyer kur “pas shumë motesh /kthehem nga Amerika,/ e lash të pa lindur çupën/ tash në shkollë shkon Rika.

Ai pa dyshim s’ka si të mos e kthej fenomenin e lutjes në kushtrim. Mos harroni Zhubrinën! Po. Sepse ajo është vendlindja e tij. Ajo pjesë më e dashur e jetës ku ai nga bredhjet nëpër botë, ashtu siç të rrëmben dallga e jetës kthehet “në timin fshat / takova xha Rushitin / pushonte nën Rrap!

Kush mund t’i flas për rritën dhe gëzimet më mirë se ai. Për dhimbjet e pikëllimet? Kush mund t’ia shtrojë sofrën e mikpritjes që ka aq shumë shije në atë fshat. Përveç xha Rushiti, bashkëfshatari, plaku që i kthehet në frymëzime dhe i lutet: Mos harroni Zhubrinin! Është kjo një porosi që i vardiset poetit dha ai paraqitet ta derdh si gurra që lëshon stërkalat nga gryka e majë malit.

Shëmtia ai fenomen i zi e rrëmben poetin në meditime ti shkruaj vargjet: Kur këputet lulja / Ndalohet jeta / Shëmtohet natyra / Nuk fluturon bleta...

Diku nëpër valët e Gurrës, lokja i këndon ninullë, kur endet e rropatet frymëzimeve poeti. Ai nisat gjithkund. Ec edhe nëpër katandi për të ngritur mirësitë. E nëpër të gjitha ato përplasje e mundime “Muza i bën shoqëri”, dhe ai kur nuk thyhet. As nuk ndalet nga dallga e përmbytjeve. Ai del jehonën e lirikës spontane që di të largojë nga heshtja, shurdhësi dhe errësira. Dhe mbi GURIN HISTORIK ku Zoçkat qëndrojnë rreth Shkabës ai nis klithmën e krenarisë.

Ti pulëbardhë

Atje mbi kala

Eja më trego

Në Ulqin ç' ka.

Qëndresa shfaqet në Uskanë. Për të qenë krenar poeti për njerëzit e saj që ndër shekuj:

S' ju përulët stuhisë

As kuçedrave plot krerë

As atyre të pabesisë.

Nëpër gjithë rropatjet ku mund te endet frymëzimi, nëpër gjithë kurthet e betejat, ku mund të ndeshet fjala e kuptimi niset e hap shtigjet poeti për të mbërri deri tek "POROSIA E PLAKUT" e ku mund të ishte ato çaste ajo? Në cilën lartësi?

Edhe atëherë kur poeti ndodhet larg atdheut shëtitmi që i vjen si frymëzim ia ndez atij në shpirti e në zemër mallin që të kthehet sa më parë e të qëndrojë pranë tij"

Këtu keni folenë

S' jeni zogj shtegtarë

Vatanit i duhen burra

I duhen shkollarë...!

Ferit RAMADANI

## Përmbajtja:

|                                    |    |
|------------------------------------|----|
| Shënim për autorin .....           | 5  |
| Kujt t' ia shkruaj poezinë?! ..... | 7  |
| I. UDHEMBARË SHKOLLARË.....        | 8  |
| Bukuritë e shtatorit.....          | 8  |
| Udhëmbarë shkollare.....           | 9  |
| Dorë për dorë.....                 | 10 |
| Pjesa e çatisë.....                | 11 |
| Dhurata më e shtrenjtë.....        | 12 |
| Një shkronjë.....                  | 13 |
| O-ja e bukur.....                  | 14 |
| Tridhjetë e gjashtë çelësa.....    | 15 |
| Nxënësja me biberon.....           | 16 |
| Rriten si fruta.....               | 17 |
| Kalaja e Kërçovës.....             | 19 |
| Sikur të kisha krahë.....          | 20 |
| Në oborrin tim.....                | 21 |
| II. MALLI PËR FSHATIN.....         | 22 |
| Sa ngjyra ka natyra.....           | 22 |
| Ylberi.....                        | 23 |
| Hëna bisedon me nuse.....          | 24 |
| Të kam çupë, të kam djalë.....     | 25 |
| Përmallimi.....                    | 26 |
| Qenin t' im e kujtoj me mall.....  | 27 |
| Mos harroni Zhubrinën.....         | 29 |
| Kaptelli i bukur.....              | 30 |
| Përrallat e gjyshes.....           | 31 |
| Do ta lus tezen mami.....          | 32 |
| Yllëza në fshat.....               | 33 |
| Hëna nëpër puse.....               | 36 |
| Luli i lagjes sime.....            | 37 |
| Kënaqësia.....                     | 38 |
| III. KUR KËPUTEN LULET.....        | 39 |
| Kur këputen lulet.....             | 39 |
| Shokët e verandës.....             | 40 |
| Dallëndyshet.....                  | 41 |
| Lajthia.....                       | 42 |
| Degë peme.....                     | 43 |
| Ketri simpatik.....                | 44 |
| Laroja trim.....                   | 45 |
| Gurra e çukës.....                 | 46 |
| Gëzohu o plakush.....              | 47 |
| Yllëza noton si patë.....          | 48 |
| Si valë liqeni duke u rrit.....    | 49 |
| Lundro barka jonë.....             | 51 |

|                                     |    |
|-------------------------------------|----|
| Kalaja e Kërçovës.....              | 52 |
| IV. ZOÇKAT RRETH SHKABËS.....       | 53 |
| Guri historik.....                  | 53 |
| Ka hapur krahët.....                | 55 |
| Uskana.....                         | 56 |
| Lisi i moçëm.....                   | 57 |
| ËÇupa me vaj të thërret.....        | 58 |
| Vrasje pas shpine.....              | 59 |
| Shkrepte për lajmërim.....          | 60 |
| Zoçkat rreth shkabës.....           | 61 |
| Zogjtë pa derë.....                 | 62 |
| Dielli mjek.....                    | 63 |
| Ujku zullumqar.....                 | 64 |
| Lëshoni rrënjët.....                | 65 |
| V. POROSIA E PLAKUT.....            | 66 |
| Kthehuni në shtëpi.....             | 66 |
| SENDËRTIMI NGA MOTIVI NË MOTIV..... | 67 |
| Përmbajtja.....                     | 73 |